

Муниципальное казенное общеобразовательное
учреждение «Средняя общеобразовательная школа №2»

СОЧИНЕНИЕ

«Мой взгляд на сохранение родного языка»



Выполнила ученица 8 «Б» класса

Мирзаева Нурият

Учитель: Ибрагимова З.М.

2019г.

Дила хІер дарган мез мяхІкамдарниличи.

"Мез–гъанна мицІирли агарти, хІербирули лебти, гІур алкІути наслуби-ургабси бегІлара мицІирси ва зумаси бархбас саби",- викІусири урусла машгІурси педагог К.Ушинский. ХІебиалли, мезла кумекличибли нушани нушала хала бегІтала жявхІелила гІямруличила, бусагІят лебси хІякыкыатличила, даргантала челябкълаличила дурусли багъес дирулра.

«Нешла мез хІедалуси адам кІарала пяхІбиубси галгагъуна сай». ХІера ишди дебали мягІничерти дугъби делкІи сари ХІ. ГІялиевли. Илди дугъбала мягІна аргъили дигулра гъарил дарган адамли.

Миллат калахънилизиб, илала хасдеш даимбарнилизиб тят нешлагъуна къадри лебси саби вегІла мезлара. Илди мезли саби нуша, дарганти, ца къамла наслу диъни кабилзахъуси.

Сен гъатІи нуша даргантани нушала мезличила, лугъатуначила, нуша-дегІси жинсличила, къамличила хъумуртутирара? Сен дарган мез дяркхІядяркхІурли, урус мезличичун хъарахъили хІеркадирутирара? Ну-регІси дила нешлизи хІурхІила лугъатличил гъайрухъунхІеливан уркІикІун ряхІятхІебирар. Чинар-дигара риас, нешла мез аргъибхІели, дила чарх батбулхъан, рухІлизи ванадеш абицІур. Дарган далай аргъибхІели, гъав гІяхІбулхъан. Ну дарган нешла, дарган рурси сарра. Нушала хъалибарглизиб дарган мез лебтанилра ункъли дала. Хъулир, дурар, шадир ва школализир дарган адамли дузахъес чебси саби вегІла нешла мез–дарган мез. Нушала школализирра кадирхъули сари дарган мезла дурсри. Дарган мезла дурсри наб дебали дигахъис. Дарсличир ну учительличи дебали ункъли лехІирхъули рирус.

Дарган мез сихІрула къанилизибси дурхъаси хазналичи мешудиркур.Къани ибхъниличил, ил нушала дурхъаси хазна гъар рангли пархбикІар. Илала рурхІути дахъал ранганани гъарил адамла пикри битІикІу,гъарил адам илала гІяжаибдешли гъалаксайрахъу, урхІмешаугардешли ва жагадешли тамашаирахъу,тамашали хІяйранирахъу.Бурес вирар, мезла илди гІяжаибдешунала ахир агара или. ХІейгеси биалра, мезла илди тамашала анцІбукъуначила бахъли балули ахІен, я нуша мезличи халаси хІурматличил хІердикІес бурсидиубли ахІенри. Гъариллис якынси саби, мезла ил гІяжаибдеш гъаргбарнили мез руркъниличи пикри битІикІни, иштІяхІ алкІахъни, къас имцІабирахъни, диги мурхъдирахъни.Мезличи диги акІни, ца бутІаван, вегІла ВагІайчи диги акІни саби.

Леб дунъяличиб сецад-дигара дила нешличибра жагатира, бугъудила бегІтира гъести гІямрула хъунул адамти, дила нешла зиланти, илдачиб биштІати, амма илдани цалилра дила нешла мер хІебурцу. Наб нушала мезра нешгъунти дилзан. Илди мез руркъуцад хала бегІтала рухІла мурхъдешра, муртрил даргантазир далгунти, ахІерли хІердарили нушачи даахъибти гІяхІти гІядатунира муръидилзан. Сепайда, абнала мезван даргантала гІяхІти гІядатунира дуб-дубли деткайхъули къадин.

Мезра гІядатунира секъяйда калес дирути, эгер шагъуртази, диркъаличи гечбиубли, цархІил миллатла халкъаначил гъудуркабиубли хІербирути дарганти барх хІербирути даргантази биаб, кулпет-ургаб биаб урус мезличил гъайбикІули биалли?«Бахъал»эсра дигули ахІенра, амма леб дарганти, сабира «Нушаб даргала литературный мез гІягІнили ахІен»,-бикІути.

Ну тамашариулра: дарган мез мучлахъедирули, илди руркъхъеруркъули, «Илдачи нушала гъягъидеш агара» или дакъу-гъаргли биклутани паспортунази, цархъилти документунази сен сай «Дарган» сайра яра сарра или луклуси вара или. Сен хъелуклуси «Урус» сайра или яра «Жугъут» сарра или? Нешла мез хъедалуси «Дарган» се дарган вируси?

Ягъари, нуша дарганти, мицъирли лерай, нушала мез дубкълутив? Аслу-минала лугъатуни, иладала рухъла культура, дегъхъели дяргъиб шинна урунжван, делгъутив? Гур илди мезлигъир базригантиван къяйцъидиклутирав? Вакилти мицъирли лебай, мез дебкълухъни, - дила пикрили, - неш лайракъинигъуна саби.

«Неш хъейги» яра «Нешличи гъягъидеш агара» виклуси адам наб гъачамлис къаршихъейкиб. Амма «Нешла мез гъягъинили ахъен» биклуту гъар бархъира-сера къаршибиркули бирар. Хала неш яра хала дудеш дарган мезличил, дурхъини биалли урус мезличил гъайбикълули чебаэс чевкъули бирар. Нуша, даргантикълун дарган нешанани даркъибтира, дяркъуртира, дагъриличи дикахъибтира.

«Дай хъатлаб хайнига берцъадра, нешла чебла чебахъес хъейруд» ибси бурала лебси саби нушала халкъла. Нушара мурталра нешла чеблалиур кавлутира. Илбагъандан сарра нуша илала хъурматбарес, ил разили, талихъчерли ридахъес се дигара барес хъядуртира. Дила пикрили, мезлара нешлагъуна хъурматбарес гъарилла чебла саби.

Нешла мез дигахъуси цалра адамли урус мезла яра дурала улкнала мезанала къадри уббирхъули ахъен. Урус мез гъяхъил дални-ил халаси игъбарлизи халбирули саби. Илди мезла гъяхъидешли нуша, дарганти лебил дунъяла литератураличил, культураличил, халкъанала историяличил тянишдиэс дирулра, гъилмула мурхъдеш умцълура, дунъяла къакъличиб гъарил бетарусиличила балулра. Биаллира нешла мезличил адаблати къиликъуначила, мурталра дарганти-ургар черяхъидирути яхъламусличила, инсантаци, мицъирагличи дакъудирути уркълеци-ряхъмуличила; саби агрилизиб биалра, дарганти дакъудирути сахаватдешличила, вегъ акълубти мермусаличи, ватълэйчи диги-карцъиличила, узидеш-мардешличила хабурти иргъути адапти, дила пикрили, рухълашал давлачебли бирар. Хала бегътала мез хъедалути инсанти наб хъячмазибад бердибтаци мешубилзан.

Гъанна дарган мез руркънила шайчи халаси пикри бяхъичииули саби мугъялимтанира, сенахъенну бархъичир-бархъи дарган мезли гъайбикълути ва илди мез далути камбикълули саби. Урус мез имцълали далули сари. Гъанна шимазиб хъербирути адантанира. Бегътани имцълали халаси пикри бяхъичииули саби урус мезличи, илди дагъниличи. Саби бегъти ургабра камли ахъен дарган мез вайтла далутира, камли ахъен чуни кърка хъурпри хъедалутира. Камли ахъен бегъти-ургаб нушала дурхъинас дарган мезла дурсри гъягъинити ахъен, илди чинар багаладирути бикълутира. Шимала школабазиб биалли гъачамлис дарган мезла дурсрачи дурхъини башули, дурсрачи хъядурбикълули саби или гъанбиркули саби, амма шагъуртазиб анцълбукъ ургълебли саби. Дурсрачи башути, мез далути, мез дагъес къасла бегъти камли саби. Дурхъинани чула дарган мез-нешла мез вайтла дални халасигъуна гъяйиб саби бегътала. Бегъти хъайгъиб чула мезличил гъайбикълалли, дурхъинанира дарган мез ункъли дала или гъанбиркули саби. Дарган мезличи дигили бицълбси дила уркълера къакъали саби. Наб дигулра гъарил дарган адамли сай дарган виъни, дарган мез сунечи дагъес чебси биъни хъумхъертурли. Бегътани хъайгъиб дурхъинази мез дагъахъес халаси пикри бяхъичииали. Гъанна бахъалгъунти халкъ шагъуртази гечбирули саби, амма адам чинавли хъалли вегъ акълубси мер, вегъла мез хъумартес

асухебирар.Дарган мез вайтга дални, камли дузахъни дила пикри хІясибли дарган мезла дурсри камли диъни, жузи камли дурайънилизиб саби. Гъанна нушанира балули дурхІнани чус багъес дигути имцІати баянти лерилра кайсули сари интернетаназирад.Урус мезла илаб се-дигара баргес,белчІес вирули сай,амма дарган мезли делкІунти илар дебали камли сари,бекІлил агара эсра вирар.Дила пикри хІясибли ил анцІбукълара халаси асар леб дурхІначиб.

Дарган мезла дурсрачи дурхІнала диги имцІабахъес багъандан дусла духІнар нушани учительла кумекличил дурадуркІулра жура-журала хІязани,классани ургар абзани.Учительла кумекличил имкан бакІиб дурадеркІес даргала ва Дагъиста поэтунас ва писательтас хасдарибти газетаби. ДурхІнала чула саби бегІти назмурти лукІесра халаси иштхІ дакІубулхъули саби. Ишдус нушани классани ургаб дураберкІира илгъуна абз. Мерани касибти дурхІнала назмурти газетабазира кадахъира.

5-6-ибти классаначил хІядурбарира "УмцІусини бургу" бикІуси пьесала бутІара. Иларра дурхІнани халаси иштхІличил, дигиличил бутІакъяндеш дариб.8-9ибти классла дурхІнани хІядурбариб "Зулму"-бикІуси пьеса. Классани ургар гІурра дурадуркІулра КВН-ти ва жура-журала дурхІнала пикри битІикІути хІязани. Чедибдеш сархибти классанасра грамотабира савгъатунира лугулра. Назмурти саркъахъили дучІниличи халаси пикри бяхІчиули дирехІе. Дирулра илдигъунтира абзани. Школализир дурадуркІути абзанала ва хІязанала дурад камли ахІен нушачи дурхъути районтала абзанира. Илдасра халаси бутІакъяндеш дирули сари дурхІнанира.

Девли адам гъунарагар варесра бирар, илизи цІакъ кертІесра бирар, ил сагъваресра бирар, ил цІумикІахъесра бирар, хІера илдигъунти уркІила хІялани алкІули сари набзир, дарган мезла дев бакъасли.

«Мез далуси мурдали, хІедалуси хъурали» иру халкъли. Сегъунти мез дагъаллира, илди чисалра, се заманара диргаладухъунти ахІен. ДиргалахІедулхъан даргала литературный мезра.